

CONSULTA PÚBLICA PREVIA

A Concellería de Políticas Sociais, Diversidade e Saúde do Concello de Santiago de Compostela, ten previsto propoñer un novo Regulamento do Concello Municipal de Saúde polo que, en cumprimento do artigo 133 da Lei 39/2015, do 1º de outubro, de procedemento administrativo común das administracións pública (en diante LPAC), somete esa idea a consulta pública previa a través do portal Web da Corporación para escoitar a opinión dos suxeitos e das organizacións representativas potencialmente afectadas pola futura norma.

O obxectivo da iniciativa é recuperar o órgano consultivo de participación comunitaria para a consulta, asesoramento e seguimento das accións en materia de promoción da saúde e das actividades sanitarias e estratexias que teña que adoptar a Corporación no exercicio das súas competencias.

A necesidade e oportunidade do novo Regulamento deriva das seguintes circunstancias:

1. A Ley General de Sanidad (14/1986 de 25 de abril) e a Lei do Servizo Galego de Saúde (1/1989 do 2 de xaneiro) regulamentan a creación, composición e funcións dos Consellos de Saúde en dous ámbitos: o da Comunidade Autónoma e o da Área de Saúde. Ademais o artigo 53.3 da primeira das leis citadas que en ámbitos territoriais diferentes aos referidos no apartado anterior (refírese ao apartado 53.2, no que se alude á Comunidade Autónoma e á Área de Saúde) a Comunidade Autónoma deberá garantir unha efectiva participación. En consecuencia, para alén do estipulado no RPC do que se dotou este Concello, a lexislación supramunicipal deixa aberta a posibilidade de que se pidan crear, no ámbito territorial dos Concellos, os Consellos Municipais de Saúde.
2. O Concello de Santiago aprobou o texto do Regulamento do Consello Municipal de saúde polo Pleno da Corporación o 28 de setembro de 2000, conforme ó establecido no artigo 49 da Lei reguladora das bases de réxime local, modificada pola Lei 11/99, e publicouse no Boletín Oficial da Provincia de A Coruña o luns 25 de agosto de 2003, BOP número 194.
3. A Concelleira Concepción Fernández Fernández. Concelleira responsable de Políticas Sociais, Diversidade e Saúde convocou a os membros do Consello Municipal de Saúde a unha xuntanza co obxecto de constituír o Consello Municipal de Saúde do Concello de Santiago de Compostela, a celebrarse o día 19 de xaneiro de 2016, as 17 hora no Pazo de Raxoi.
4. O vixente Regulamento do Consello Municipal de saúde de Santiago foi aprobado polo Pleno da Corporación o 28 de setembro de 2000. Obviamente, o tempo transcorrido dende a aprobación daquel primeiro texto ata hoxe, fixo que fora necesario revisar e actualizar algunhas cuestións da estrutura, da disposición do mesmo e da incorporación de novos axentes.
5. Á ampliación do número de vocais, organización e funcións concretas de todos os membros do Consello (Presidente, Vicepresidente, Secretaria e Vocais). A posibilidade de creación, temporal ou permanente, de Comisións de Traballo coa finalidade de alcanzar resultados a curto prazo. A periodicidade das xuntanzas, a xestión das convocatorias extraordinarias e ordinarias, fan que

sexa preciso modificar o regulamento co fin de ter elementos concretos e prácticos para conseguir os obxectivos do Consello.

6. A indeterminación na duración dos mandatos, a rotacións dos vocais, a súa continuidade, nomeamento de substitutos, son regulamentacións que non existen no vixente convenio pero que precísanse para funcionamento do mesmo.
7. O tempo que trasncorreu desde á aprobación actual do regulamento aconsella revisar e actualizar algúns aspectos da estrutura e composición do Consello para incorporar a novos axentes da saúde, na procura dunha máis extensa participación social e de mellorar a representación dos protagonistas directos.

A alternativa de continuar co actual Regulamento non parece acaída, entre outras razóns, porque os actuais e continuos cambios sociais demandantes de accións sanitarias, estruturas organizativas totalmente diferentes e xeitos de relacións entre administracións actuais fan necesario a actualización do Regulamento.

Achégase o texto coa aclaración de que poderá ser obxecto das modificacións que resulten, e si é o caso, das opinións expostas neste trámite de consulta pública previa. Tamén se aclara que trala aprobación inicial do novo Regulamento por parte da Corporación, haberá un trámite de exposición ao público por un prazo de trinta días que prevé o artigo 49 de Lei 7/1985, do 2 de abril, reguladora de bases de réxime local.

As persoas e entidades interesadas poderán remitir as súas opinións sobre a iniciativa a Concellería de Políticas Sociais, Diversidade e Saúde do Concello de Santiago de Compostela, a través dos seguintes medios:

umad@santiagodecompostela.gal

Santiago de Compostela a 3 de marzo de 2017